

आकाशवाणी

खबरां ----

1. असम, केरलम ते पुदुचेरी च 9 अप्रैल गी होने आहले विधानसभा चुनांऽ गितै प्रचार जोरें-शोरें जारी ऐ। सबनें पार्टिं दे बड्डे-बड्डे लीडर मते-मते मतदाताएं गी अपने पक्खै च करने लेई अपनी पूरी टिल्ल ला करदे न। चुनांऽ प्रचार दा कल खीरी ध्याडा ऐ।
2. बीजेपी दे सीनियर लीडर ते प्रधानमंत्री नरेंद्र मोदी होरें भरोसा दोआया ऐ जे असम च बीजेपी उप्परोतली त्रीऽ बारी सरकार बनाग। कांग्रेस दे सीनियर लीडर राहुल गांधी होरें पुदुचेरी गी पूरे राज्य दा दर्जा देने दा भरोसा दोआया।
3. रक्षा मंत्री राजनाथ सिंह होरें आखेआ ऐ कि सरकार अपने सैनिकें गी बेहतर कोला बेहतर डॉक्टरी सेवा उपलब्ध कराने गितै बचनबद्ध ऐ।
4. बीजेपी अज्ज अपना 47मां स्थापना दिवस मना करदी ऐ। प्रधानमंत्री नरेंद्र मोदी होरें आखेआ ऐ कि पार्टी नै भारती सियासत गी 'राश्ट्र सबनें शा उप्पर' आहला नमा सिद्धांत दित्ता ऐ।
5. ईरान नै चेतावनी दित्ती ऐ कि ओहदे नागरिक ठकानें पर जेकर हमले कीते गे ते ओहू एहदा बडे खतरनाक तरीके कन्नै परता देग।
6. रूस दे ड्रोन हमलें च यूक्रेन दे 3 नागरिकें दी मौत, 11 जखमी, रूस नै दावा कीता ऐ जे उन्नै यूक्रेन दे 50 ड्रोनें गी नशाना बनाइयै तबाह करी दित्ता ऐ।
7. आई.पी.एल च अज्ज कोलकाता दे इडन गार्डन्स च पंजाब किंग्स दा मकाबला कोलकाता नाइट राइडर्स कन्नै होने जा'रदा ऐ।



Assembly Poll Campaign

असम, केरलम ते पुदुचेरी च विधानसभा चुनांस लेई प्रचार अभियान जोरें-शोरें कन्नै जारी ऐ। वीरवारें होने आहले मतदान लेई प्रचार कल संझा सम्पन्न होई जाह्ग। दऊं राज्यें ते इक केंद्र शासित प्रदेश च इक्के गेड च मतदान 9 अप्रैल गीकरोआया जाह्ग। इस रोज असम दिएं 126, केरलम दिएं 140 ते पुदुचेरी दिएं 30 विधानसभा सीटें लेई वोट पोआए जाडन। प्रधानमंत्री नरेंद्र मोदी होरें अज्ज बडुलै असम दे बारपेटा च चुनांस रैली गी संबोधित कीता। उनें आखेआ जे बीजेपी असम च उप्परोतली त्री बारी सरकार बनाने जारदी ऐ जेदे लेई पार्टी नै विकसित असम विकसित भारत दा लक्ष्य तैयार कीते दा ऐ। कांग्रेस दे सीनियर लीडर ते लोकसभा च विपक्ष दे नेता राहुल गांधी होरें लासपेट पुदुचेरी च इस रैली गी संबोधित करदे होई पुदुचेरी गी राज्य दा दर्जा दोआने दा अपनी पार्टी दा धेइया पक्का कीता। तोआई बीजेपी दे सीनियर लीडर ते गृह मंत्री अमित शाह होरें हरिपद च इक रोड शो कीता। मार्क्सवादी कम्युनिस्ट पार्टी दे लीडर दे केरलम दे मुखमंत्री पिनाराई विजयन होरें सरकार दा प्रोग्रेस कार्ड जारी कीता।



Nomination

तोआई, तमिलनाडू विधानसभा चुनांस ते पच्छिम बंगाल दे पैहले गेड दे मतदान लेई नामांकन दाखल करने दी अज्ज खीरी तरीक ऐ। दाखल नामजदगिएं दी जांच कल कीती जाह्ग ते मेदवार जेकर चाहन तां 9 अप्रैल धोड़ी अपने नां वापस लेई सकदे न। तमिलनाडू दिएं 234 विधानसभा सीटें ते पच्छिम बंगाल दे पैहले गेड तैहत 152 सीटें लेई वोट इस म्हीने दी 23 तरीक गी पोआए जाने न। पच्छिम बंगाल च दुए गेड दा मतदान 29 तरीक गी होग जदूं कि 142 सीटें लेई वोट पोआए जाडन।



Election Commission Add

निर्वाचन आयोग नै आगामी विधानसभा ते उपचुनावों आस्तै मतदान पूर्व ते मतदान आहले दिन प्रिंट मीडिया च राजनीतिक विज्ञापनें थमां पैहले पूर्व-प्रमाणीकरण गी अनिवार्य करी दित्ता गेआ ऐ। आयोग नै प्रिंट मीडिया च राजनीतिक विज्ञापनें आस्तै सख्त दिशानिर्देश जारी कीते ना। एहदे च आखेआ गेआ ऐ जे कोई बी राजनीतिक दल, मेदवार, संगठन जा व्यक्ति मतदान आहले दिन या मतदान थमां इक्क दिन पहले समाचार पत्रें च कोई बी राजनीतिक विज्ञापन अदू तगर प्रकाशित नेई करोग जेकर ओहदी सामग्री राज्य या जिला स्तर पर मीडिया प्रमाणीकरण ते निगरानी समिति आसेआ पूर्व-प्रमाणित नेई होऐ। एहदे च एह बी आखेआ गेआ ऐ जे चुनाऽ लड़ने आहले मेदवार जिला मीडिया प्रमाणीकरण ते निगरानी समिति दे माध्यम कन्नै प्रमाणीकरण आस्तै आवेदन करी सकदे न जिसले कि राज्य या केंद्र शासित प्रदेश च मुख्यालय आहले मान्यता प्राप्त राजनीतिक दलें गी राज्य स्तरीय मीडिया प्रमाणीकरण ते निगरानी समिति थमां अनुमोदन प्राप्त करना होग। आयोग नै इस गल्लै पर जोर दित्ता ऐ जे पर्याप्त जांच-पड़ताल आस्तै पूर्व-प्रमाणीकरण आस्तै आवेदन प्रकाशन दी निर्धारित तरीक थमां घट्ट थमां घट्ट दो ध्याड़े पैहले जमा करना होग।

<><><><><><>

RS-Oath

उपराश्ट्रपति ते राज्यसभा दे सभापति सी.पी राधाकृष्णन होरें संसद दे उच्च सदन दे 19 नमें चुनोए दे सदस्यें गी संगंध दोआई। केंद्री राज्यमंत्री रामदास अठावले ते एनसीपी-एस.सी.पी दे वरिष्ठ नेता शरद चंद्र पवार होरें राज्यसभा सदस्य दे तौर पर संगंध लैती। एह दवें नेता महाराश्ट्र थमां परतिए चुनोइए आए ना। डॉ. ज्योति नागनाथ वाघमारे ते रामराव सखाराम वाडकुटे होरें बी संगंध लैती। तमिलनाडू थमां क्रिस्टोफर मणिकम, एल.के सुधीश, डॉ. अंबुमणि रामदास ते तिरुचि शिव सने 6 सदस्यें उच्च सदन दी संगंध लैती। उपराश्ट्रपति होरें पच्छिम बंगाल थमां बाबुल सुप्रिया बराल, रूक्मिणी मलिक,

डॉ. मेनका गुरुस्वामी ते राजीव कुमार होरें गी सगंध दोआई। एहदे अलावा ओडिशा थमां संतुत्प मिश्रा, मनमोहन सामल ते दिलीप कुमार सने 5 सदस्यें सगंध लैती।

<><><><><><>

DM-Raising Day

रक्षा मंत्री राजनाथ सिंह होरें अज्ज आखेआ ऐ कि देशै दे सैनिकें गी सबनें शा बेहतर सुविधां उपलब्ध कराना सरकार दी सबनें शा पैहली तरजीह रेही ऐ। उनें आखेआ कि दिन रात हर मौसम च विजन सर्दी-गर्मी बारश तूफान दी परवाह कीते दे एह लोक देश दी सेवा च डटे दे रौहंदे ना। अज्ज नमीं दिल्ली च सेवा चिकित्सा कोर दे स्थापना दिवस दे मौके पर रक्षा मंत्री होरें देशै दे बाकी हिस्सें च बी अनुसंधान ते रेफरल अस्पताल जनेइए सुविधाएं दे विकास पर जोर दित्ता ते आखेआ जे इस चाल्ली दे प्रमुख संस्थान देसै दे हर कोने च होने लोडचदे तां जे फौज गी हर थाहरै पर बेहतर सेवा बेहतर इलाज दी सुविधा हासल होई सकै। उनें अगगे आखेआ कि सैन्य नर्सिंग सेवा दियां नर्सा जेडियां चिकित्सा बलें दी रीढ़ न, उनेंगी रटैर होने दे बाद साबका फौजी दा दर्जा नेई दित्ता गेआ ऐ। उनें आखेआ कि सरकार नै उनेंगी साबका फौजी दा दर्जा देने दा फैसला लैता ऐ।

<><><><><><>

BJP-Foundation Day

भारती जनता पार्टी अज्ज अपना 47मां स्थापना दिवस मना करदी ऐ। प्रधानमंत्री नरेंद्र मेदी ते पार्टी दे होर केई बड्डे नेताएं जिंदे च पार्टी दे राश्ट्री अध्यक्ष नितिन नबीन ते गृह मंत्री अमित शाह बी शामिल न। इस मौके पर कार्यकर्ताएं गी ममारकबाद ते शुभकामनां दित्तियां न। प्रधानमंत्री नरेंद्र मोदी होरें इस मौके जारी अपने इक वीडियो सनेए च आखेआ कि बीजेपी नै इक नमां सिद्धांत विकसित कीता ऐ। राश्ट्र सबनें शा उप्पर जेहड़ा भारती सियासत च अपनी किस्मै दा पैहला ते सबनें दे मनै गी छुई लैने आहला सिद्धांत ऐ। इस मौके पर प्रधानमंत्री होरें पार्टी दे संस्थापक लीडरें गी बी चेता कीता जिंदे च डॉ. श्यामा प्रसाद मुखर्जी, दीनदयाल उपाध्याय, नानाजी देशमुख, कुशाभाउ ठाकरे, अटल बिहारी

बाजपेई, डॉ. लाल कृष्णन आडवानी, मुरली मनोहर जोशी ते होर केई नेता शामिल ना पार्टी दे सीनियर लीडर अमित शाह होरें इस मौके पर थिरूवंतपुरम च पार्टी दफ्तर च बीजेपी दा झंडा चाढेआ।

<><><><><><>

Iran-Retaliatiion

ईरान नै चेतावनी दिती ऐ जे ओहदे नागरिक ठकानें पर जेकर हमले कीते गे तां ओहू एहदे बड़े खतरनाक तरीके कन्नै परता देगा। ईरान दे सबनें शा बड़े नेता दे सलाहकार अली अकबर वेलायती होरें आखेआ ऐ कि इस कार्रवाई च बाब अलमंडेब जलडमरूमध्य गी नशाना बनाया जाई सकदा ऐ ते एहदे नै दुनिया भरै दी उर्जा ते बपार कारोबार गी जबरदस्त पछ्छाड़ लग्गी सकदी ऐ। लाल सागर गी अदन दी खाड़ी कन्नै जोड़ने आह्ला बाब अल मंडेब जलडमरूमध्य अटलांटिक, हिंद महासागर ते भूमध्य सागर च समुंद्री बपार दा इक प्रमुख ते महत्वपूर्ण रस्ता ऐ।

<><><><><><>

India-Bangladesh Relation

बांग्लादेश च भारत दे उच्चायुक्त प्रणय वर्मा होरें अज्ज प्रधानमंत्री तारिक रहमान हुंदे कन्नै शिष्टाचार मुलाकात कीती। इस दौरान दोनें देशें बश्कार आपसी सरबंधें गी मजबूत करने दे प्रयासें पर बल दिता गया। बैठक च बक्ख-बक्ख क्षेत्रों च जन-केंद्रित सहयोग पर विशेष ध्यान केंद्रित करदे होई दवें पखें दपक्खी सहयोग बदाने दे तरीकें पर चर्चा कीती। बांग्लादेश च भारती दूतावास नै सोशल मीडिया पोस्टर च दस्सेआ जे उच्चायुक्त नै बांग्लादेश सरकार ते जनता कन्नै मिलियै कम्म करने दे भारत दे इरादे गी पेश कीता। उनें आखेआ जे भविक्ख च सहयोग पारस्परिक हित ते साझा लाहू दे सिद्धांतें कन्नै निर्देशित होगा। एहू मुलाकात दवें मुल्लखें बश्कार लगातार राजनयिक जुडाव गी दर्शादी ऐ जेदा मकसद सहयोग गी मजबूत करना ते क्षेत्रीय स्थिरता ते समृद्धि गी बढ़ावा देना ऐ।

<><><><><><>

Jharkhand-IED

झारखंड दे सारंडा क्षेत्र दे जंगल च माओवादियों आसेआ लाए गेदे आईईडी विस्फोट च सीआरपीएफ दी कोबरा बटालियन दा इक्क जवान घाऽल होई गेआ। एह घटना चाईबासा क्षेत्र च चलाए गेदे तपाशी अभियान दौरान होई। पुलिस मुख्यालय मूजब घाऽल जवान अनुज कुमार गी सुरक्षित उत्थुआं कड्डी लैता गेआ ऐ ते घटना दे बाद उनेंगी एयरलिफ्ट करियै रांची आंदा गेआ ऐ। पुलिस सूत्रें दस्सेआ जे विस्फोटक माओवादियों आसेआ पैहले गै लाया गेआ हा ते विस्फोट दे बाद तपाशी अभियान तेज करी दित्ता गेआ ऐ। महानिरीक्षक संचालन डॉ. माइकल एस. राज नै दस्सेआ जे ऑपरेशन दौरान इक्क सक्रिय आईईडी बी बरामद कीता गेआ ते उसी नकारा करी दित्ता गेआ ऐ।

<><><><><><>

Ukraine-Russia Drone Attack

यूक्रेन दे दक्खनी बंदरगाह आहले शैहर ओडेसा पर रूसी ड्रोन हमले च 2 महिलाएं ते इक गिल्लु दी मौत होई गई ऐ। यूक्रेन दे लम्में छिंडे तगर मार करने दी छमता आहले ड्रोन नै रूस दे प्रमुख काला सागर तेल निर्यात केंद्र गी नशाना बनाया। यूक्रेन दे अधिकारिएं दस्सेआ ऐ कि ओडेसा पर रात भर चले दे हमले च इक ईमारत पूरी चाल्ली तबाह होई गई। यूक्रेन दे राष्ट्रपति व्लोदिमीर जेलेन्स्की होरें आखेआ जे इनें हमलें च घायल 11 लोकें गी अस्पताल दाखल करोआया गेआ ऐ।

<><><><><><>

Custom Duty Exemption

उद्योग जगत नै सरकार दे केई महत्वपूर्ण पेट्रोकेमिकल उत्पादें थ्वां सीमा शुल्क च छूट दे फैसले दी सराहना कीती ऐ। एक्सपोर्ट प्रमोशन काउंसिल फॉर मेडिकल डिवाइसेस दे अध्यक्ष आर एस कंवर होरें आक्खएआ ऐ जे इसदे कन्नै मुद्रास्फीति दा दबा घट्ट होग ते आपूर्ति श्रृंखला च स्थिरता औग। इसदे कन्नै कच्चे माल दी बददी लागत गी बी नियंत्रित कीता जाई सकग, जिसदे कन्नै चिकित्सा उपकरणें, फार्मास्यूटिकल्स ते पैकेजिंग आस्तै जरुरी सामग्रियें दी उपलब्धता यकीनी होग।



IPL

आई.पी.एल क्रिकेट च कल राती बेंगलुरु दे एम. चिन्नास्वामी स्टेडियम च खेडे गेदे मैच च रॉयल चैलेंजर्स बेंगलुरु नै चेन्नई सुपर किंग्स गी 43 रन कन्नै हराई दित्ता। 251 रन दे लक्ष्य दा पिच्छा करदे होई चेन्नई दी पूरी टीम 207 रन गै बनाई सकी। अज्ज कलकत्ता दे ईडन गार्डन च कोलकाता नाईट राइडर्स दा मुकाबला पंजाब किंग्स कन्नै होग ते एहू मैच संझा साड्डे 7 बजे खेडेआ जाह्ग।



SC-AP Govt. Irregularities

सुप्रीम कोर्ट नै केंद्री जांच ब्यूरो-सीबीआई गी अरुणाचल प्रदेश सरकार आसेआ सार्वजनिक ठेके दी बंड च कथित बेजाब्लिएं दी शुरूआती जांच दा निर्देश दित्ता ऐ। इन्दे च मुख्मन्त्री पेया खांडू ते उंदे रिश्तेदारें कन्नै जुडी दियां कंपनियां शामिल ना। अदालते सीबीआई गी अपनी रिपोर्ट पेश करने लेई 16एं हफ्तें दा समां दित्ता ऐ। इस रपोर्ट दी विनाह पर एहू तैह कीता जाह्ग जे पूरी चाल्ली सुतंत्र जांच दी लोड ऐ कि नेई। जांच च जनवरी 2015 सवां दिसंबर 2025 दे बश्कार दित्ते गेदे ठेके गी शामिल कीता जाह्ग। लोड पोने पर सीबीआई इस अवधि दे बाद दे ठेके दी बी जांच करी सकदी ऐ। अदालतै राज्य ते उन्दे सरबंधत मैहकमें गी सीबीआई कन्नै सहयोग देने ते 4 हफ्तें दे अंदर सब्बै लोडचदे रिकार्ड उपलब्ध कराने दा बी निर्देश दित्ता ऐ।



Weather

मौसम विभाग नै अज्ज अरुणाचल प्रदेश, तटीय आंध्र प्रदेश, केरल, माहे, तमिलनाडु, पुद्दुचेरी ते कराईकल च किश थाहें पर तेज बरखा दी पेशगोई कीती ऐ। अगले 2 थमां 3 दिनें तोडी दिल्ली, हरियाणा, चंडीगढ़, हिमाचल प्रदेश, पंजाब, दक्षिण आंतरिक कर्नाटक ते उत्तर-पूर्वी राज्यें दे किश हिस्सें च बी इस्सै चाल्ली दा बने रौहने दा अनुमान ऐ। मौसम विभाग नै जम्मू-कश्मीर च कल्लै थमां

